

Futbola

Urrutia eta Galdames, KO

Ander Garitano ere ez dago jokatzeko moduan, Deriokoak atzo adierazi zuenez

Stepanovicek ezingo du nahi zuen hamai-kakoa zelairatu bihar Athleticen Sevillaren aurka jokatu duen partiduan. Galdames titular izango zela iragarri bazuen ere, atzelariak ez zuen atzoko entrenamendua amaitu bizkarrean mina zuelako. Urrutiak ezingo du jokatu belauneko zauria zoldu egin zaiolako.

Ramon Basaldua / Bilbo

ATHLETICEKO entrenatzaileak azken ordura arte itxaron behar du bihar zein jokalariz zelairatu ahal izango dituen jakiteko. Serbiarrak Karanka, Larrainzar eta Galdames jarri nahi zituen atzealdean. Bere ustez, Galdamesek jokatzeko duenean taldeak igarri egiten dio berak markatzen duen jokalaria ezinean aritzen delako. Hala ere, azken denboraldian Compostelan izandako atzelari honek aldageletarako bidea hartu zuen atzoko entrenamendua amaitu baino lehen, mina zuelako bizkarrean. Ikusi egin behar du zer-nolako bi-lakaera duen atzelariaren lesioak.

Bestalde, Josu Urrutiak ez zuen parte hartu atzo zuri-gorriek Lezaman egin zuten entrenamenduan. Lekeitiarrak osatuta du belauneko meniskoan zuen lesioa. Ordea, ebakuntza egin zioten zauria zoldu egin zaio eta ezingo du Celtaren aurka jokatu. Beraz, Stepanovic joko antolatzaile barik geratuko da.

Joseba Etxeberriari dagokionez, elgoibartarrak ezingo du jokatu bihar, Valentzian txartel gorria ikusi ondoren partidu bateko zigorra bete behar duelako.



Argazkiko irudia erabiliko du Athleticen kanpaina berriaren promoziorako.

XOUSE SIMAL

Athleticek errekurtsioa aurkeztu badu ere, lehiaketa batzordeak ez du aintzat hartu.

Ander Garitano, joan zen astean lesionatu zen gizona, normaltasun osoz aritu zen atzoko entrenamenduan. Nolanahi ere, Derioko erdilariak atzo adierazi zuenez, «goizegi da berriro jokatzeko. Bederatzi egun besterik ez dira igaro lesionatu nintzenetik eta denbora gehiago behar dudala uste dut. Dena dela, entrenatzaileak du azken hitza».

Aitor Karankak ez zuen inongo minik izan atzoko entrenamenduan, eta azken orduko ezustetik ez badago behintzat, hasierako

hamaikakoan ariko da biharko norgehiagokan.

Iribar, Zarra, Guerrero eta Etxeberria batera • Jose Mari Arrate Athleticen presidentea eta Fernando Otxoa taldeko gerentea San Mamesen izan ziren atzo goizean, datorren hamabostaldian Egin zaitez bazkide lelopean egingo duten kanpaina aurkezteko. Athleticen 8.000 bazkide berri lortu nahi ditu Bilbok estadio berria behar duela frogatzeko. Jose Mari Arrate baikor agertu zen. Ohi bezala, «Ziur nago kanpaina arrakastatsua izango dela. Adibidez, Amster-

damen 30.000 bazkide berri lortzeko asmoz ekin zioten kanpaina 60.000 lagunek eman zuten izena», azaldu zuen atzo Arratek.

Bilboko futbol taldearen iragana eta geroa uztartu nahi izan dituzte bihar hasiko den kanpaina; Telmo Zarraonaindia eta Jose Anjel Iribar alde batetik, eta Joseba Etxeberria eta Julen Guerrero bestetik. Hala nahi dutenek 5.000 pezeta jarriko dituzte, eta zela berria eraikitzen bada lehentasuna izango dute Athleticen bazkide izateko. Estadio berria inoiz egiten ez bada Athleticen aurreratutako dirua itzuliko die «interesa eta guzti». x

PSV-Werder Bremen UEFAko lehiarik interesgarriena

■ Barcelona eta Sevilla aurrez-aurre ariko dira Liga bereko ordezkariak izan arren

Erredakzioa / Donostia

BARCELONA-SEVILLA, Bayern Munich-Benfica eta PSV Eindhoven-Werder Bremen dira UEFAko final-zortzirenetako kanporaketarik interesgarrienak, atzo eguerdian Geneban eginiko zozketaren arabera. Joaneke partidua hilaren 21ean jokatuko dira lehen tokian aipatzen diren taldeen zelaietan, eta itzulikoak abenduaren 5ean.

Barcelona eta Bayern Munich kanporaketa gaitzeko faborito gisa ageri dira. Sevilla arazo askorekin dabil Ligan, eta Benfica lan ona egiten ari den arren, oraindik ere iazko krisialdi larria ahazteko ahalgabetatuta dabil. Aurreko kanporaketan, Rodareb gaitzeko izugarizko arazoak izan zituen. Askoz parekatuagoa ageri da PSV Eindhoven eta Werder Bremen arteko lehia. Biak ere oso talde sendoak dira, lan ona egiten ari dira denboraldian zehar, eta beren jokalarien kalitatea kontuan hartuta, edozer gerta daiteke. Dena den, holandarrak zertxobait aurretik ageri dira. Nottingham Forest, Milan, Betis eta Lens ere faborito dira beren kanporaketetan. x

Zozketa:

B. Munich (Ale)-Benfica (Por)
PSV (Hol)-W. Bremen (Ale)
Nottingham (Ing)-Lyon (Fra)
Brondby (Dan)-Roma (Ita)
Milan (Ita)-Sparta Praga (Txe)
Bordeaux (Fra)-Betis (Esp)
Barcelona (Esp)-Sevilla (Esp)
Lens (Fra)-Slavia Praga (Txe)

Alaves Ipuruan berriz, 20 urte igaro eta gero

■ Eibarren eta Arabako taldearen arteko derbia 18.00etan (ETB-1)

Maidar Aranberri - Ana Ramos/ Eibar

EIBARREK Ipuruako bigarren derbia jokatu du gaur, Alavesen aurka, arratsaldeko 6.00etatik (ETB-1) aurrera. Neurketa honetako epailea Luis Medina Tantalejo izango da. Partidu berezia da gaurkoa, derbia izateaz gain, badielako 20 urte Eibarrek ez duela Alaves etxean hartzen.

Arabako taldeak ez du hasiera batean espero zena bete. Bost partidu galdu ditu, horietatik hiru etxean. Lortutako bi garaipen bakarrak ere Mendizorrozan izan dira. Alavesek azken bi denboraldietan Lehen Mailan aritutako hamabi jokalariz fitxatu ditu. Besteak beste, Guruzeta eibartarra dago, oraingoz Bigarren

Mailan dagoen jokalaria, Realarekin oraindik kontratua izan arren. Gainera, Eloy eta Kuznetsov Espanyoleko jokalariz ohiek eta Pablo Gomez eta Albesa Valladoliden aritutakoek osatzen dute esperientzia handiko plantila.

Eibar taldean hutsean amaitutako berdinketak dira nagusi eta bost gol baino sartu ez dituen arren, euskal taldeen artean lehena da sailkapen nagusiari so eginez gero. Periko Alonso entrenatzaileak, taldearen gidaritza hartu zuenetik lehenengo aldiz, plantila osoa prest izango du jokatzeko.

Sarriegik partidu bateko zigorra bete du dagoeneko eta Koldo Sarasuari osatu zaio Toledon izandako lesioa. Taldearentzat

berririk onena Iñaki Aldalur-en itzulera da. Atzelari azkoitiarrak asteazkenean Tolosaren aurkak partidu ez-ofizialean 90 minutuetan jokatu zuen eta gaur Ipuruan zelairatzeko aukera izango du.

Alavesen Oscar-ek ezingo du jokatu, zigortua baitago txartelengatik. Pablo Gomez erdilari ere arrazoi beragatik ez da Ipuruan berdegunean izango gaur arratsaldean.

Baliteke bi hamaikakoak hauek izatea. Eibar: Garmendia; Martinez, Carmona, Sarriegi; Arriola, Artetxe, Bixente, Olano, Goio; Jandro eta Loinaz. Alaves: Tito; Ivan, Albesa, Gorriaran; Eloy, Guruzeta, Aitor Arregi; Kuznetsov, Cudi; Codina eta Bermudez. x



ASEGARCE

EUSKADIKO LAU ETA ERDIKO TXAPELKETA

Astelena pilotalekua
Azaroak 5 / Igandea
Arratsaldeko 16:45etan

TINTIN III - BELOKI
ALUSTIZA - ZEZEAGA

Txapelketa
EUGI
UNANUE

Txarteldegien ordutegia

Igandeko 12:00etatik - 13:30etara eta 15:30etatik aurrera

Salneurriak

Kantxa jarlekua (zenbakitua): 2.600 pzta

Errebote jarlekua (zenbakitua): 2.600 pzta

Harmaila (zenbaki gabe): 1.200 pzta